

zuzendariari

(0034) 943 300 222

OHARRA: Ahalik eta iritzi gehienek izan dezaten tokia, ez da komeni makinazko 15 lerro baino luzeago idaztea gutun hauetan. Idatzi duenaren izena, telefonoa, helbidea eta NAren zenbakia agertu beharko dira. Laburtu behar izanez gero, zuzendaritzak bere esku du horretarako eskubidea. Erdaraz iristen diren gutunak ez dira argitaratuko.



zuzendariari@egunkaria.com



Martin Ugalde kultur parkea 20140 Andoain

Athleticek liga irabaziko du aurtan

Alfredo Gomez Kortazar • BILBO

Bai, izenburua ondo irakurri duzu: Athletic Club Bilbaok aurtan emakumezkoen Superliga irabaziko du. Azken 104 urte luze hauetan andrazkoek —erakunde zuri-gorriaren aldeko zaletuen erdiak— adore eman ahal zuten, baina ez lehenengo taldean jokatu. Orain gure Athletic bere alderdi guztietan bultzatu ahal dugu: gizonetzkoen eta emakumezkoen sailak, taldeak.

Athleticek Leioa EFTren lehenengo bi taldeak barne hartu eta, euskal harrobitik heldutako jokalariei zenbaitez osatuta, itzelezko eskudra ona eratu du; azken ligak eta kopak irabazi dituen Levante UD

boteretsuari lehenengo postua kentzeko gai izanik.

Domeka honetan, goizeko 11:30ean, hain zuzen ere, garaipenerako gure bide geldiezinan daukagun arerio zuzen horren kontra jokatuko dugu Lezaman, orain arteko partiduetan batez beste bi mila zaletu jaso dituzten kirol instalakuntzetan.

Aurrera Iraia Zaletu Taldetik, emakumezkoen Athleticek aldeko beste peñetatik bezala, zale zuri-gorriak norgehiagoka hau ikustera animatzen ditugu. Bertan, prestakuntza fisikoa, diziplina taktikoa eta kalitate teknikoari buruzko ikastaro ederra jasoko dugu.

Lehoien artean gertatzen ohi denez: harrobiaz eta zaleez, Athletic txapelduna... baita andrazko futbolearen ere.

Berezko universitatea berez

Erramun Gerrikagoitia • LEKEITIO

Skandalugarria da anhitzentzat ikhustea nola askotan darabilzkgun sloganak ere manifestationetan etc. txarto izkiriatuak (edo erranak) diren, noiz sloganok euskarazkoak diren. Baionan, Laphurdiko hiriburuan, berriki egin den euskal manifestatione reivindikativoan sloganetarik bat izan da galdegiten zitzaiola Frantzia-ko gobernuari berezko universitatea.

Jakin bezate direlakook eta nornahik ezen nonnahi universitate bat, edozein universitate prefosta, ezin izan litekeela berezko izan, baizik lan gaitzaren fruitu eta ondorio. Munduan berezkorik ez da deus gizakiaren eskuan eta entheleguan

kreatu denik, nola-ere universitateak. Beraz' berez, merezi duenik deus guti edo izaitekotan eginik daukaguna desegin, berezkoak garaoaz ra entropia.

Euskaraz ere, baldin ganoraz eta txairo erabili nahi bada euskara nola-ere behar lukeen, berez ez dateke ikhasten. Hori diot batez ere noiz reivindikatione kultural universitario importanteak egiten bait ditugu publikoki; behar genituzke reirakurri gutienik slogan llaburtxuok bi aldiz.

Zuzenketa

Justizia Administrazioaren euskalduntzeari buruz atzo argitaratutako artikuluko hemerrotekan, Garbiñe San Miguelen izenean agertzen ziren adierazpenak Nekane San Miguel epailearenak ziren. Barkamena eskatzen diegu aipatuei eta irakurleei.

montxo



galdeiozu... ?



JOSU EGIREUN

Hemen eta Munduan taldeko kidea

Porto Alegre gizarte mugimenduei hatsa eman die; baina herritarrak hurbildu al dira mugimenduetara?

Fermin Gartzia (Iruñea)

Porto Alegre bera mugimenduen bultzadatik sortu zen, eta beraingandik hartzen du hatsa. Are gehiago, ez zen Porto Alegrerik ezagutuko Seattleko borrokarik gabe. Baina aldi berean Porto Alegrek ahalbideratu zuen Quebec eta Genoako borroken arrakasta. Esperientzia hauen emaitza dugu herritarren eta gizarte mugimenduen arteko hurbiltze prozesua. Bestelako kontua da jendea gizarte mugimenduetan antolatzea, arlo honetan prozesua motelagoa baita. Gauza bat da protestaldietan parte hartzea eta beste bat konpromiso sakonagoak hartzea. Baina berandu baino lehen, batzuk besteak dakar.

Otsailaren 11tik aurrera **Nagore Aranburu** • aktorea izango da Galdeiozu ataleko gonbidatua. Bidali zure galderak ordurako. galdeiozu@egunkaria.com

hirusta



Itziar Madina

Tripako minak

Pays Basque, mer et montagne». Itsasoa, Atlantikoko Ozeanoa izanik ere, Beltza da, eta mendia, higatua. Erreklamatu turistikoak gaitzesten zituztenak isildu dira aspaldian, eta bizimodu modernoaren confort edo erosotasunera asko iragan. Hona non, mendiak eta itsasoak Euskal Herriaren eraikitzaileak ere erakartzen dituzten. Hala errana izan zait, igande arratsalde elurtsuko mahai-inguruko solasaldi batean. Izen ospetsu bat, bai, Hego Euskal Herrikoa, kortsikarren inmobiliario-proiektuen aurkako lehergailuak begi onez ikus dezakeen horietarik bat, etxe zahar, borda edo bizitegi baten bila zebilela Baxenabarreko herri ttipietan gaindi. Gora Euskal Herria! Halakoak gara gu, eta gutarrak; noski. Laster Iruñetik, berdin Donostia edo Bilbotik, ordu bateko zalutasun handiko autoaren bidaian, bulegoko lan neketsua ahaztuko dugu

inguru berde eta isilak; «zuek, paradisuan bizi zarete!»; dituen leiho gorri eta pareta zuridun etxe zahar arraberritu batean. Zaharberritua bai, badakizu, aire hotzetik begiratzeko, eta confort-a pixka bat izateko, baina ruralitate osoz, lanak uzten digun ordu kopuru libre omen den horretan gozatzeko gisan. Askea, zertatik? Kontsumotik, bizitza pozoitsutik, naski ez. «Gauza ona dun hori!» erranen dute batzuek. Laborantxaren peko errekaratzea pairatzekotan den tokiko ekonomia lagunduko din, eta lurak kariotzen, sekulako prezioetan betikoak aberastuko dituztela? Paradisuzaleatuna orojalea dela, baina bereziki tokiko biziaren xurgatzailea? Sugeak txoriak liluratsen omen ditu, ahamen batez irentsi aitzin. Gurean, gisa bereko zerbait ari da, beti gehiago, fiteago, berriago... nahi dugula egiten duena. Janen gaituenak, aldiz, zer tripako minak!